

Nama Reti Kristen?

PEMUNGKAL

Pemungkal

“Tang enti kita merinsa laban kita orang Kristian, anang malu ka pemerinsa nya, tang muji Allah Taala, laban kita udah sama nat ka pemerinsa dalam nama Kristus.” (1 Peter 4:16).

Semua pemerinsa ukai kategal asil ari pemanah ti nyadi orang Kristian. Reti merinsa ditu, Rasul Peter madah ka dua iti bagi; merinsa kategal ti nyadi orang ti arap (orang Kristian) enggau merinsa kategal salah ngereja pengawa ti ukai bepun ari ti arap. Enti kitai merinsa kategal taluk ka Jesus, mulia Tuhan deka dikemesai ka, lalu penyaup deka datai ari TUHAN meri kitai penemu enggau pengaga dikena napi pemedis. Reti tu, selalu ngereja utai ti badas enggau bisi pengelurus, bakani pan pemerinsa nya deka nyadi. Laban nyangka langgur TUHAN ka pengidup kitai tau nyengkaum pemedis enggau pemar dalam pengidup, enggau nya anang tekenyit ati.

“Lantang meh kita lebu orang mechat kita, nekan ka kita lalu nusoi semua macham pemula kena ngelaban kita, kategal Aku (tauka kategal kitai anemiak Jesus).” (Matthew 5:11).

Kitai ditekan (di ukum kategal undang-undang orang bukai ti enda setuju enggau pengidup orang Kristian) tau pulai ka pemadas, laban (1) ngenyauh ka runding [pikir tauka ati] kitai ari upah dunya, (2) muai semua pengarap lama, (3) tau ngasuh pengarap kitai ka TUHAN nyadi tegap, (4) gaya pendiau kitai tau nyadi ke teladan ngagai sida ti baru arap. Nama kebuah kitai ditekan? Laban dikena mandang ka pengarap kitai ka Jesus bisi peneguh ngagai sida ti nadai pengarap tauka sida ti enda arap. Lebu kitai bisi pengarap ka Jesus, kitai nemu upah iya chukup besai, ianya ulih diau dalam Perintah Iya ti nadai agi pemerinsa.

Saut: Bup penyalin jaku ‘Webster’ nerang ka reti; orang ka pechaya ka Tuhan Jesus nyadi ka Pengelepas tauka orang ka nitih ka ajar Jesus Kristus tauka anemiak Kristus. Tang tu semina reti ba dalam penemu orang ba dunya tu aja, lalu bedau tentu ulih nerang ka reti Kristian tu enggau silik.

- 1) Leka jaku “Kristian” tu dikena dalam Bup Kudus 3 kali ba Sempek Baru; Kereja Rasul enggau ba 1 Peter.
 - i. Anemiak Jesus ke terubah di kumbai “Kristian” di menua Antiok (**SPKR 11:26**) Lebu Barnabas mansang ngagai Tarsus-ngiga Saul (Paul). Sida dikumbai Kristian laban, ulah enggau pengawa ti dikereja sida semina siti aja, iya nya ngereja pengawa Krsitus. Sida ngereja pengawa beteladan ka Jesus. Sida nadai ngenang pasal bansa, adat lama, tauka bengkah bansa jaku.
 - ii. (**SPKR 26: 28**) Ko Rajah Agripa bejaku enggau Paul *“ngena awak ti enda panjai bakatu, kati nuan arap ka diri ulih ngasuh aku nyadi orang **Kristian**?”* Maya tu menya Paul dipechara di mua Rajah Agripa, lalu iya nerang ka pasal reti Injil Kristus ti ditusoi iya ngelamatu ba mua orang mayuh.
- 2) Reti Kristian tu enti dikenang ka ngagai batang jaku ka bendar, dikumbai orang ti ngemesai / ngemulia ka Kristus tauka anemiak ti nunda pengawa tauka nitih ka pesan Kristus. Kurang lebih sama enggau penemu ti dipansut ka ‘Webster’.
- 3) Tang suah reti Kristian tu ka bendar enda dikena enggau chara ka betul. Disema baka; nunjok perangai ti manah, selalu datai ke Rumah Gerija tauka ketegal ti udah

Nama Reti Kristen?

dibaptisa tauka bisi tanda regang ba kereta / ba rumah. Tu ukai reti tuju jadi orang kristian tauka anemiak Jesus ka bendar.

Bisi 6 bengkah batang pekara ka patut digaga kitai, ngambi ka ulih nyadi orang Kristian ti badas.

- A. Kitai ENDA TAU ENDA arap ka Jesus!
- B. Kitai ENDA TAU ENDA di ada ka baru!
- C. Kitai ENDA TAU ENDA bisi sulu kaul enggau TUHAN!
- D. Kitai ENDA TAU ENDA rindu ka menyadi enggau pangan diri!
- E. Kitai ENDA TAU ENDA ngasi ka pesan TUHAN!
- F. Kitai ENDA TAU ENDA merita ka Injil TUHAN!

Udah tu peda BAGI Ke Satu – Arap Ka Jesus.....